



Број: 01/4-50-3-4-2/15
Сарајево, 13.1.2015.

Z A P I S N I K

2. sjednice Komisije za finansije i budžet Predstavničkog doma Parlamentarne skupštine BiH, održane 12.1.2014., od 13,00 do 14,00 sati.

Sjednici Komisije prisustvovali su članovi: Vjekoslav Bevanda, Salko Sokolović, Nenad Lalić, Mirsad Isaković, Amir Fazlić, Aleksandra Pandurević, Damir Bećirović i Jasmin Emrić.

Opravdano je odsustvovala Dušanka Majkić.

Sjednici su, također, prisustvovali: Milana Popadić, pomoćnica ministra pravde BiH, Vlatko Dugandžić, pomoćnik ministra, Sehija Mujkanović, pomoćnica ministra, Amela Hasanbegović, šefica Odsjeka u Ministarstva finansija i trezora BiH, Miro Galić, šef Odjela za finansijsku reviziju, Adla Duraković, revizor za finansijsko planiranje i upravu u Uredu za reviziju institucija BiH, Lazar Prkatin, savjetnik u Kabinetu predsjedavajućeg Vijeća ministara BiH, Kristijan Haupt, direktor, Samir Mušović, savjetnik, Karlo Holub, Elma Muratović i Aleksandar Paleksić, saradnice u USAID SGIP, Nejra Neimarlija-Roić, saradnica Instituta za razvoj mladih KULT, Robert Vidović, sekretar Komisije za finansije i budžet Doma naroda, Zoran Brkić, viši stručni saradnik za informiranje iz Sektora za odnose s javnošću Sekretarijata PSBiH, Samir Buljina, stručni savjetnik, Vlade Srdanović, stručni saradnik, te Željko Kosmajac, sekretar Komisije.

Sjednici su također prisustvovali i predstavnici medija: Slađana Jašarević, novinarka BNTV, Ognjen Begović, novinar SRNA-e, i Aida Kovač, novinarka FENA-e.

Sjednicom je predsjedavao Vjekoslav Bevanda, predsjedavajući Komisije.

Za sjednicu je predložen sljedeći

DNEVNI RED

1. Usvajanje Zapisnika konstituirajuće sjednice Komisije;
2. Razmatranje Prijedloga zakona o izmjenama i dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine - druga komisijska faza (predlagač: Vijeće ministara BiH);

3. Razmatranje Izvještaja o izvršenju Budžeta institucija BiH i međunarodnih obaveza BiH za 2013. godinu (podnosilac: Predsjedništvo BiH);
4. Razmatranje Izvještaja o finansijskoj reviziji Izvještaja o izvršenju Budžeta institucija BiH za 2013. godinu (sačinilac: Ured za reviziju institucija BiH);
5. Razmatranje godišnjeg plana revizije za 2014./2015. godinu (sačinilac: Ured za reviziju institucija BiH);
6. Razmatranje finansijskog izvještaja Ureda za reviziju institucija BiH za period 1.1.-30.9.2014. (sačinilac: Ured za reviziju institucija BiH).

Predloženi dnevni red usvojen je jednoglasno.

Ad.1. Usvajanje Zapisnika konstituirajuće sjednice Komisije

Jasmin Emrić konstatirao je da nema primjedbi na Zapisnik konstituirajuće sjednice te je pojasnio da na 2. sjednici Predstavničkog doma PSBiH nije registrirao kada je predsjedavajući Predstavničkog doma promijenio termin održavanja konstituirajuće sjednice Komisije za finansije i budžet PDPSBiH, pa je iz tog razloga bio opravdano odsutan.

Potom je Komisija jednoglasno usvojila Zapisnik konstituirajuće sjednice Komisije za finansije i budžet.

Ad. 2. Razmatranje Prijedloga zakona o izmjenama i dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine - druga komisijska faza (predlagač: Vijeće ministara BiH)

U uvodnim napomenama predsjedavajući Komisije istakao je da je Predstavnički dom razmatrao i usvojio Prijedlog zakona u prvom čitanju. Na Prijedlog zakona amandman su uložili poslanici Salko Sokolović i Amir Fazlić.

Prijedlog zakona obrazložila je Milana Popadić, pomoćnica ministra pravde BiH.

Nakon kraće rasprave u kojoj je učestvovao Salko Sokolović, Komisija je pristupila glasanju o amandmanu:

Amandman I. poslanika Salka Sokolovića i Amira Fazlića jednoglasno je usvojen i glasi:

U članu 1. Prijedloga zakona o izmjenama i dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine stav 3. mijenja se i glasi:

„3. Sudije i tužioci imaju pravo na naknadu za godišnji odmor u skladu s podzakonskim aktom koji donosi Vijeće ministara Bosne i Hercegovine, shodno odredbama Zakona o plaćama i naknadama u institucijama BiH (‘Službeni glasnik BiH’, br. 50/08, 35/09, 75/09, 32/12, 42/12, 50/12, 32/13 i 87/13).“

Potom je Komisija, sa šest glasova “za” i dva “suzdržana” glasa, prihvatila Prijedlog zakona o izmjenama i dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine sa usvojenim amandmanom u drugoj komisijskoj fazi.

Također, Komisija je jednoglasno usvojila sljedeći zaključak:

1. Predstavnički dom Parlamentarne skupštine BiH zadužuje Vijeće ministara BiH da izradi Prijedlog zakona o izmjenama i dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine, kojim bi se izjednačio iznos novčane naknade koju prima zaposleno stručno osoblje u sudskim i tužilačkim institucijama na nivou Bosne i Hercegovine po osnovu prava na regres za godišnji odmor sa iznosom novčane naknade po osnovu prava na regres za godišnji odmor koju primaju zaposleni u institucijama Bosne i Hercegovine, u skladu sa Zakonom o plaćama i naknadama u institucijama BiH.

Ad. 3. Razmatranje Izvještaja o izvršenju Budžeta institucija BiH i međunarodnih obaveza BiH za 2013. godinu (podnosilac: Predsjedništvo BiH)

Izvještaj o izvršenju Budžeta institucija BiH i međunarodnih obaveza BiH za 2013. godinu obrazložio je Vlatko Dugandžić, pomoćnik ministra finansija i trezora BiH.

Potom je otvorena rasprava u kojoj su učestvovali: Vjekoslav Bevanda, Mirsad Isaković, Aleksandra Pandurević i Vlatko Dugandžić, pomoćnik ministra finansija i trezora BiH.

Nakon rasprave, Komisija je, s pet glasova „za“, dva glasa „protiv“ i jednim „suzdržanim“ glasom, prihvatila Izvještaj o izvršenju Budžeta institucija BiH i međunarodnih obaveza BiH za 2013. godinu.

Komisija je također jednoglasno usvojila sljedeći

Zaključak

Komisija za finansije i budžet Predstavničkog doma Parlamentarne skupštine BiH traži od Ministarstva finansija i trezora BiH da u najkraćem roku dostavi informaciju o tome:

- koliki je ukupan iznos trenutnog vanjskog duga Bosne i Hercegovine;
- koliki je iznos dospjelih obaveza po osnovu vanjskog duga i
- da li se obaveze po vanjskom dugu servisiraju uredno.

Ad. 4. Razmatranje Izvještaja o finansijskoj reviziji Izvještaja o izvršenju Budžeta institucija BiH za 2013. godinu (sačinilac: Ured za reviziju institucija BiH)

Izvještaj o finansijskoj reviziji Izvještaja o izvršenju Budžeta institucija BiH za 2013. godinu obrazložio je Miro Galić, šef odjela za finansijsku reviziju Ureda za reviziju institucija BiH.

Potom je otvorena rasprava u kojoj su učestvovali: Vjekoslav Bevanda, Aleksandra Pandurević i Salko Sokolović.

Nakon rasprave, Komisija je jednoglasno prihvatila izvještaj o finansijskoj reviziji Izvještaja o izvršenju Budžeta institucija BiH za 2013. godinu.

Također, Komisija je jednoglasno usvojila sljedeći zaključak i predlaže Domu njegovo usvajanje:

Komisija za finansije i budžet Predstavničkog doma predlaže Uredu za reviziju institucija BiH da u narednom periodu planira reviziju učinka o temi: „Opravdanost postojanja upravnih i nadzornih odbora u institucijama BiH, kao i njihove efikasnosti“.

Ad. 5. Razmatranje godišnjeg plana revizije za 2014./2015. godinu (sačinilac: Ured za reviziju institucija BiH)

Godišnji plan revizije za 2014./2015. godinu obrazložio je Miro Galić, šef Odjela za finansijsku reviziju Ureda za reviziju institucija BiH.

Predsjedavajući Komisije konstatirao je da su svi članovi Komisije materijal iz ove tačke dnevnog reda primili k znanju.

Ad. 6. Razmatranje finansijskog izvještaja Ureda za reviziju institucija BiH za period 1.1.-30.9.2014. (sačinilac: Ured za reviziju institucija BiH)

Predsjedavajući Komisije konstatirao je da je materijal ove tačke dnevnog reda Komisija primila k znanju.

Ad. 7. Tekuća pitanja

Direktor projekta USAID-SGIP u BiH Kristijan Haupt upoznao je Komisiju s Planom rada USAID-SGIP u BiH u 2015. godini vezano za nastavak saradnje s Parlamentarnom skupštinom BiH i Komisijom za finansije i budžet Predstavničkog doma Parlamentarne skupštine BiH.

Sekretar Komisije

Željko Kosmajac

Predsjedavajući Komisije

Vjekoslav Bevanda

Prilog: Neautorizirani transkript 2. sjednice Komisije za finansije i budžet PDPSBiH.